

Touéz souriciaos peinturiérs

I taet eune fai de temp touéz petits souriciaos bllancs
su eune parchée de papier bllanc.

Ben manqe qe le marcouaod ne les vayaet ghere.

Un biao le jou qe le marcouaod taet a fére meriene,
les souriciaos bllancs vayent touéz potées de peinture :

eune siene rouge, eune siene jaone, eune siene blleuve.

“C’ét-ti biao!” q’i dizent.
E chaque de saoti den un pot.

Cant q’i n-en sortent, n-i a : un souricio rouje,
un souricio jaone, un souricio blleu...

Su la parchée de papier,
la peinture a degouté.

Su le blanc, en vait des belles piâcrées roujes,
jaones, e blleuves.

Le souricio rouje qemance qe de danser su la piâcrée jaone.

Ses qhettes dessinent un mile de réles roujes.

Pés a coup, i dit és deûz aotrs souriciaos :

-Ergardéz don! Mes qhettes rouges den eune piâcrée jaone,
ça fèt du oranje!

Le souricio jaone saote su eune piâcrée blleuve.

I ragale des qhettes e les deûz coulours s'entr-melayent...

A coup, le souricio rouge e le souricio blleu s'ebréssent :

-Ergarde don! Tes qhettes jaones den eune piâcrée blleuve,
ça fèt du vert.

Ensieute, le souriciao blleu saote su eune piâcrée rouge.

Il etrainche la parchée, danse, piâcote...

E les touéz souriciaos de s'ebrére :

-Ergardez don! Des qhettes blleuves den eune piâcrée rouge,
ça fèt du maove.

Su lous qhettes e lous fourûre, la peinture
qemance a haler. Les souriciaos raidissent nette.

Les vaila aloure q'i se bâgnent den l'eqhuelle ao marcouaod
e virent bllanc come neje d'ertour.

Pés après, i se minrent a peinturer le parchat :
eune bende rouge,

eune bende jaone...

e eune aotr bende blleuve.

Pés après i melayent de la peinture rouge e de
la peinture jaone a n-en fére eune bende oranje,

De la peinture jaone e de la peinture blleuve
a n-en fére eune bende verte,

de la siene blleuve e de la siene rouge a n-en fére eune
bende maove.

I n'ombllient pouint de n-en lésser un petit de bllanc
a caoze du marcouaod, més !